

قتل طالب بالبطيء : عمرو حسني معتقل مريض بالسكر ومصاب بخراج وسيتم بتر قدمه



الأربعاء 18 نوفمبر 2015 12:11 م

الطالب عمرو حسني سيتم بتر قدمه هتتقطع بسبب مرض السكر و أصابه خراج

الطالب عمرو يدرس في كية "تجارة انجليزي" ومعتقل في قسم منتزه ثاني

شهادة الطبيب الذي ذهب للقسم وشاهد حالته

نقلًا عن حساب الدكتور "حاتم البنا" - عبر فيسبوك :

بوست طويل شوية بس مهم جدا
امبارح كنت فى لبطنية فى مستشفى خاصة ... شفت حالتين بتتلخص فيهم حال البلد كلها .

الحالة الاولى واحد ست فى اواخر الاربعينات منتقبة ومعها راجل حاجة وخمسين وملتحى ولبس جلباب ... الست بدأت تتكلم مع موظف الحسابات اللى بيكتب التذاكر . كان صوتها واطى و مسمعتش بس سمعته بيقولها لا يا ماما معندناش ... الدكتور استحال يرضى .. وبعدين انتى مش جيتى امبارح واول امبارح وقلناك مينفعش ... الست مرديتش و راحت واخدة بعضها و كانت هتمشى ... ناديتها .. ومن لبرى عرفت ان انا الدكتور ... قتلها عاوزة ايه .. قالتلى انها لفت على كل المستشفيات عشان دكتور يجى يكشف على ابنها ومحدث راضى .. وعرفت منها ان ابنها طالب فى كية نظرية وعنده سكر و مقبوض عليه ومحطوط فى قسم المنتزه تانى بقاله شهوور ... والولد حالته الصحية زى الزفت وعنده حمى وان الناس اللى جوه قالولها هاتيله دكتور عشان شكله هيموت[] وانها بتلف بقالها ثلاث ايام ومحدث راضى يجى معاها القسم[]

المهم قررت انى اروح معاها وطلبت من الممرضة تحضر شنطة و تحطلى جهاز قياس السكر .. ورغم ان موظف الاستقبال كان مدايق اوى انى هطلع معاها بعد ماهو قالها لا و قعد يقولى دكتور فلان مرضاش و دكتور فلان مرضاش الا انى فعلا اخدت شنطتى و طلعت معاها ع القسم .

ركبنا عربية شيك و من كلامهم و شكلهم باين انه ناس ميسورين الحال والراجل اللى كان معاها اللى هو تقريبا جوزها مبطلش تسبيح و استغفار و حتى لما كلمنى كان بيكلمنى بايات قرآنية على غرار ان الله مع الصابرين لما يحس ان الموضوع طول .. او من احياها فكانما احى الناس جميعا ودى بيقولها كشكرا ان انا جيت معاها يعنى .

المهم قربنا من القسم وطبعا الراجل ركن على بعد حوالى 300 متر عشان طبعا كل الطرق المؤدية للقسم مقفولة و محطوة حواجز حديد .

المهم نزلت واخدت شنطتى ومشينا ناحية القسم وكان فى ثلاث حواجز حديدية قاعد على كل واحد منهم اتنين او ثلاثة عساكر[] انا ماشى و معايا شنطة سودة منفوخة من المحاليل والحقن والادوية وعاوز اقلكم عديت على التلات حواجز و محدش قالى انتا رايح فين مع انى كنت لابس عادى يعنى مش لابس ظابط يعنى

المهم قربنا ع القسم وكان فى ناس كثير قدام القسم تقريبا ليهم قرايب محبوسين جوه . المهم الاهل طلبوا منى استنى هنا على ما يستأذونلى عشان ادخل القسم .. كان مستنيهم محامى قدام القسم و طلب منهم 200 جنيه عشان يظبط الناس اللى هيدخلونى و اخذ الفلوس خمسينات و مشى ناحية القسم . شوية وطلع واحد شحط كده لابس مدنى تقريبا مخبر و قعد يزعم للعساكر عشان ترجع الناس

دى ورا الحاجز الحديدى عشان الباشا فلان شوية وطالع مروج و مينفعش يشوف المنظر ده] وفعلا بدأت العساكر بدورها تزعم للناس
عشان ترجعهم و جه عسكري بيزقنى عشان يرجعنى قتلته انا دكتور و جاي اكشف على حالة و الصراحة الراجل سابنى ورجع بقيت الناس .
بعد حوالى تلت ساعة طلع المحامى وقالى تعالى و اخيرا دخلت القسم

طبعا وقفت جوه القسم حوالى نص ساعة على ما المحامى يعرف يدخل للظابط يستأذنه . فى النص ساعة دى سمعت جميع انواع
الشتايم وسب الدين اللى تم اختراعها منذ نشأة اللغة العربية وده طبعا غير الشاب المسكين اللى دخل بيه امين شرطة ماسكة من قفاه
واتلم عليه كل امناء الشرطة وقعدوا يلطشوا فيه من كل الاتجاهات بطريقة وحشية وغير ادميه بدون حتى مايكلموه كلمه غير الشتايم
طبعا و سب الدين . والحمد لله اخيرا جه المحامى و قالى معلش يا دكتور تعالى استأذن الباشا .. قتلته امال انت كنت بتعمل ايه قالى
كنت بستأذنه بس هو اعوزك انت تستأذنه]

دخلت للباشا طبعا فى اوضه بتكليف وحاجة ساقعة وسجارة .. وبعد ما استنيته يخلص التليفون و الحاجة الساقعة قالى من غير مايصلى
خير يا دكتور .. قتلته خير ايه ؟ قالى الولا ماله ؟ قتلته معرفش انا لسه مكشفتش عليه !! راح باصص للامين اللى جنبه و قاله معاهم
اذن نيابة ؟ قاله لا ياباشا .. قاله يعنى دى خدمة من عندنا .. قاله اه ياباشا .. قاله واحنا من امتى بنعمل خدمات يا ابن ال#@%\$% واخذ
كام يا ##\$% يا ابن ال#@%\$% . قاله والله ماخذت حاجة ياباشا وراح باصص للمحامى و قاله اديك جيتلنا الكلام ياروح امك يلا اطلعوا روحو
... رحى انا قايل للظابط ده شاب عنده سكر و بيعتمد ع الانسولين و مشاكل السكر فى السن ده كثير وانا بقالى اكثر من ساعة هنا
مستنى .. راح قايلى عشان خاطرک يادكتور ماشى خده يابنى دخله يشوفه .

المهم طلعتنا من عند الظابط و الامين قالنا استنوا هنا شوية و لطعنا نص ساعة كمان و وقف يتكلم مع زميله ويشرب سجاير .. لما
زهقت من الانتظار رحلته و قتلته اعوز اخش للظابط .. قالى ليه قتلته عشان اشوف ايه اللى ماخرنا كده ... قالى لا خلاص انا بس كنت
يشرب سجارة .. تعالى

طبعا رحى معاه راح مطلع مفتاح من جيبه وفاتحلى الزنزانة وقالى ادخل اكشف عليه . اول مافتح الزنزانة .. شميت ريحة اول مرة اشمها
.. حاجة كده الموت اهون منها . طبعا مقدرتش ادخل و قتلته ممكن يطالع هو ابص عليه . قالى روح للظابط . وبعد ثلاث اربع مشاوير
من الظابط للامين نادو ع الولد و طلعه ابص عليه .

شاب 20 سنة سكره ساعتها كان 550 حرارته 40 ضغطه 150/90 رجله واردة جدا وعنده خراج فى صوباع رجله الكبير محتاج تدخل
جراحى فورا

وعرفت من اهله انهم بيدفعوا يوميا 50 جنيه عشان ابنهم يدخل زنزانة يقدر يقعد فيها ثلاث ساعات يوميا بالتناوب مع زميله فى الزنزانة
وان باقى الزنزانات محدش يقعد فيها عشان مفيش مكان وكله واقف !!

المهم كتبتله مضاد حيوى وحاجات تقلل الورم و قتلته لازم يعالج الخراج ده فطلبوا منى انى افتحه هنا فقتلهم مينفعش لازم
مستشفى و اخدوا الولد دخلوه تانى الجحيم وانا رحى ع المستشفى و مش شايف قدامى من احساس الظلم و القهر اللى شوفته على
ملامح الشاب المسكين اللى كان ماسك فى جلابية ابوه و هما يبشدهو ع الحبس و بيقوله انا هموت يابا .. رجلى هتبط و
هيقطعوها لى يابا .. ماتسيبنيش يابا والاب دموعة مغرقة هدومة فى مشهد زى السكنينة بيعور الروح من جوه]

الحالة الثانية .. جاتلى الساعة 4:30 الفجر

بنت 22 سنة وامها و طفلتين 6 و 10 سنين و شاب 25 سنة عرفت بعدين انه خطيبها . الام وبناتها كانوا بايتين عند الخالة لحد
ماجالهم تليفون من جيرانهم ان الوالد اللى هو مريض قلب تعبان جدا .. نزلوا جرى كلهم عشان يروحو بيتهم اللى يبعد عشر دقائق
مشى من بيت الخالة

وهما بيحروا كان فى الشارع بتاعهم الديلر اللى بيوزع المخدرات ع المنطقة و معاه العصابة بتاعته .. و الظاهر انه كان متقل حبتين ومنظر
البنت اللى بتجرى قدامه مع امها عجبته فراح جارى شاددها من العباية بتاعتها عشان ياخذها يظبط بيها الليلة بتاعته ولما البنت قاومتها
و الام شتمته والناس كلها صحت وبصت من الشبايبك .. الديلر طبعا كده هييته هتروح فراح مدور فيها الضرب على مرأى و مسمع من
جميع اهل الشارع . وسابها غرقانة فى دمها و هرب مع عصابته فالام اتصلت بخطيب بنتها عشان يلحقهم و جه الولد وجابها ع
المستشفى .. البنت كان عندها ارتجاج فى المخ و كدمات وسحجات على جميع جسمها و جروح فى وشها وعلى فكرة البنت كانت لابسه
تريننج و فوقه عباية سودة واسعة و طرحة طويلة و الدبلة فى ايدها .

البنت اخدت 32 غرزة منهم 25 فى وشها و خطيبها اخدها ومشى و هو على وشه نظرة عجز لانه عارف الناس دى بالاسم و العنوان زيه
زى كل الناس فى المنطقة اللى شافوها وهى بتتضرب وزى الداخلية برده .. بس ميقدرش يعملهم حاجة لانه حايله حته مهندس عاطل
مش لاقى شغل و مش عارف يتجوز البنت اللى خاطبها بقاله اربع سنين ... ولانه لو حتى هوب ناحيتهم هيقتلوه و محدش هيهتم و
هيقولوا ... هو ايه اللى وداه هناك !!؟

هما دول الناس اللى فى الحجز وهما دول الناس اللى بره ومش قادر اقول غير حسبى الله و نعم الوكيل